

钦定四库全书
提要
子部五
瑞竹堂经验方五卷 医家类

【臣】等谨案瑞竹堂经验方五卷元沙图穆蕪【原作萨理弥实今改正】撰沙图穆苏元史无□其事迹不可考以吴澂王都中二序核之则其字为谦斋尝以御史出为建昌太守是书即其在郡时所撰集也原书本十五卷杨士奇等文渊阁书目载有一部一册而晁璠宝文堂书目内亦列其名则是明中叶以前原帙尚存其后遂渺□本今据永乐大典所载搜采编辑计亡阙已十之五六而所存者尚多谨依方途次分立二十四门厘为五卷中间如调补一门不轻用金石之药其处方最为醇正又女科之八珍即四君子汤四物汤之并方其用尤广明薛己医案已详著之至疮科所载返魂丹与今世疡医所用梅花点舌丹夺命丹相类内托千金散以治痈毒亦见殊功是皆可资利济之用惟幼科之褐丸子与苏沈良方中所列褐丸名目相类治疗亦同特彼用乌头桂香附干姜陈皮配合攻补兼行颇为周密此乃用黑牵牛京三棱蓬莪术诸品殊病其过于峻利盖金元方剂往往如斯由北人气禀壮实与南人异治故也此在于随宜消息不可以成法拘矣乾隆四十六年九月恭校上

总纂官【臣】纪昀【臣】陆锡熊【臣】孙士毅
总校官【臣】陆费墀

原序

曩予诵范文正公良相良医之言未尝不敛衽嘉叹何则良相辅弼元首治天下兴利除害选贤任能使人乐其业而吾仁之见诸事者足以泽被四海良医导和人身疗百病脱痾起痼干元气而开寿域使人安其生而吾仁之蕴诸心者亦足以波及万姓盖出处之辙虽异而吾仁之用则同君子不可斯须而忘吾仁则吾仁之在天下亦不可胜用矣谦斋先生沙公志文正之所志学文正之所学轻车埋轮绣衣直指所至摧奸贪之胆拯生民之命由柏垣而登薇府一以是心民以是厚今为建昌守也殆将小试龚黄事业为异日姚宋张本良相之效岂不著哉然公犹以为未尽乃退而考订名医方书常经验者分门别类为一十五卷锓梓郡庠因目其书曰瑞竹堂经验方以惠斯世噫如公之仁可谓至矣予故序诸篇端欲人之诵此书者不惟知公之心良于医又当知公之志良于相二者皆自公仁心一点中出王都中序

原序

人有恒言看方三年无病可治治病三年无药可疗斯言何谓也谓病之有方不难而方之有验为难也盱江郡侯历任风宪民社爱人一念随遇而见有仁心有仁闻人之被其惠泽者奚翅百千万而涖官余暇犹注意于医药方书之事每思究病之所由起审药之所宜用或王公贵人之家或隐逸高人之手所授异方率和剂三因易简等书之未载遇有得必谨藏之遇有疾必谨试之屡试屡验积久弥富守盱之日进一二医流相与订正题曰瑞竹堂经验方爰锓诸木以博其施一皆爱人之仁所寓也既仁之以善政复仁之以善药孰有能如侯之仁者哉噫世之医方甚繁用之輒效者盖鲜今之所辑悉已经验则非其他方书所可同也侯者沙圃穆苏瑞竹堂者往时候插竹为樊竹再生根遂生枝叶人以为瑞而侯以扁其堂云吴澂序

钦定四库全书

瑞竹堂经验方卷一 元沙圃穆苏 编

调补

益荣丹

治心脉结而散肺脉浮而软余脉如经原其所自思虑伤心忧虑伤肺心乃诸血之源肺为诸气之候心虚则血少脉弱则气虚遂致目涩口苦唇燥舌咸甚则齿为之痛鼻为不利怔忡白浊腠理不密易感风寒今以补气汤补气以养肺益荣丹滋血以助心荣衛日充心肺职治诸疾自愈

当归【二两去芦酒浸焙】 紫石英【火煨醋淬七次研细一两】

栝子仁【炒另研】 酸枣仁【去壳】 小草 木香【不见火】

茯苓【去木】 桑寄生 卷栝叶【酒炙】 熟地黄【洗净酒蒸焙】 龙齿

【各一两另研】 辰砂【半两另研】

右为细末炼蜜为丸如梧桐子大辰砂为衣每服七十丸食前用麦门冬汤下

补气汤

黄耆【二两去芦密水炙】 人参 甘草【炙各半两】

麦门冬【一两汤浸去心】 苦桔梗【去芦炒一两】

右咬咀每服四钱水一盏半生姜五片煎至七分去滓温服不拘时候

补养丸 补养元气滋益气血煖水脏及下元

兔丝子【洗净捣末四两】 破故纸【炒香】 益智仁【各一两】

杜仲【一两去皮用生姜自然汁拌匀炒断丝】 山药【一两剉碎炒黄】

茴香【一两半炒香】 苍术【二两米泔浸切片面炒】

右为细末酒糊为丸如梧桐子大每服五十丸空心温服盐酒盐汤任下

杜仲丸 补心肾益气血煖元脏缩小便壮力

莲肉【去心四两】 龙骨【七钱半新瓦上煨另研细】 益智仁

破故纸【炒香】 茴香【各一两微炒】 牛膝【去苗一两酒浸】

白茯苓【去皮木一两】 杜仲【去皮剉碎酒浸炒断丝一两】 兔丝子【四两】

桃仁【汤炮去皮尖净炒一两】

右为细末用山药四两炙为末酒糊为丸如梧桐子大每服五十丸枣汤送下空心食前服如欲煖水藏减去莲肉龙骨白茯苓加好醋酒兼糟四两莲须葱白四两苍术四两米泔水浸一夕切片合莲须葱白酒糟捣淹一宿成饼晒干炒令入前药同研

法制杏子

杏仁【一斤拣板杏真方用】 苍术【一斤】 白沙蜜【二斤】
苍术【一两去粗皮泔浸一宿麸炒】 半夏【一两姜汁浸一宿】 木香
当归人参【各一两】

右将杏仁用热水洗净顿于罐内将生苍术一斤为粗末水熬一二百沸将汁浸杏仁封其口夏一日一夜春秋三日三夜冬五日五夜去苍术及汁锅内炒干调入蜜半斤再炒少时取出将木香当归人参半夏苍术俱为细末拌于杏仁上冷定用磁罐盛顿再用生蜜半斤浇上每日空心细嚼三五十个面汤送下若气不顺加木香末一两血不和加当归末一两若喘息加人参末一两若妇人血气不和加当归服

十宝丸 补益肝脾肾三经其功不可具述

破故纸【酒浸一宿焙干】 附子【炮去皮脐】
苍术【剉泔浸一宿焙干】 当归【去芦焙各一两】 石枣【半两去核】
枸杞子【焙半两】 兔丝子【酒浸焙干】 肉苁蓉【酒浸焙干】
白茯苓【去皮各半两】
地黄【去芦拣肥壮者酒浸蒸久而透黑为度妙处全在此一味焙干二两】

右为细末醋糊为丸如梧桐子大每服三五十丸空心用温酒或盐汤送下干物压之坎离丸 治心脾肾三经不足

苍术【八两剉如豆大泔浸三日或焙或晒干分作四处一分用真乌豆一两去皮脐切作片子又用川楝子净肉一两同苍术炒焦黄色为度一分用川椒去目一两又用陈皮一两破故纸一两酒浸一宿炒令干次下苍术川椒同炒黄一分用茴香净一两青盐一两半食盐炒半两先下苍术炒熟次下茴香等同炒黄色一分用醇酒醋各一椀浸苍术令自干炒燥入后药】 麦门冬【去心三两焙干】 天门冬【去心三钱焙】
茯苓【去皮木三分炒】 远志【去心三钱焙】 沉香【一两】
鹿茸【燎去毛酥炙】 葫芦芭【酒浸炒】 川巴戟【各五钱去心酒浸炒】
当归【半两酒浸焙】 人参【去芦】 枸杞子 雀脑川芎 陈皮【去瓢各半两】

右为细末好酒煮神曲末二两打糊为丸如梧桐子大每服四五十丸空心服如补心枣汤下补肾温酒盐汤下

草还丹

夫草还丹者不用金石不加燥热不伤五臟只以草药为用全在制度之妙得水火既济之术夺丹砂烧炼之功大壮脾胃能进饮食且脾属中央之土乃五臟之主一失调养则五臟俱虚百病由此而生此药益精髓补肾经固元阳轻腰脚安五臟通九窍令人耳目聪明有一老人年七十以上常服此药悦颜容乌髭髮固牙齿能夜书细字延年益壽乃仙家之良剂平补大有效验

苍术【四两一两酒浸一两醋浸一两泔浸一两盐水浸各一宿】
葫芦芭【一两酒浸一宿】 破故纸【一两酒浸一宿】 覆盆子【二钱拣净】
茴香【一钱新肥者】 川练子【一两】 木香【半两坚实者】

山药【坚白者】 穿山甲【酥炙黄】 地龙【去土净】 茯苓【坚圆者】
枸杞子牛膝【各三钱酒浸一宿】

右晒干为细末无灰酒糊为丸如梧桐子大每服三五十丸温酒送下盐汤亦可干物压之空心服毕须行百步使药力行日进二服此方得之刑部令史王国宝渠事时有僧子窝藏强盗部拟死渠入出之后僧子以此方谢嘱云惟西平章有此方不可乱传当珍藏之后渠入佐西平章于方册内得此方药味分两制度相同乃平章常服药

金鎖丹 此药延年益壽添精和血注颜壮骨养神调气不可尽述

遠志【去心炒】 蛇床子【酒浸微炒】 紫梢花 鹿茸【炒黄各一钱半】
海马【二对炒黄色】 黑牵牛【取头末三钱】 穿山甲【五片炙黄】 木香
乳香 麝香【各二钱半】 川茴香 晚蚕蛾【二钱】 续断【一钱半】

右为细末酒糊为丸如梧桐子大每服五十丸空心温酒送下七日可便见效
消导

沉香降气丸 治胃膈痞满升降水火调顺陰阳和中益气推陈致新进美饮食

沉香【镑】 木香 萆澄茄 枳壳【去瓢】 缩砂仁白豆蔻仁
青皮【去白】 陈皮【去白】 广木【炮】 枳实【麸炒】 黄连【去须】
半夏【姜制】 萝卜子【另研各半两】 白茯苓【去皮一两】
香附子【二两炒去皮毛】 白术【一两煨】 乌药【一两半】

右为细末生姜自然汁浸蒸饼为丸如梧桐子大每服五七十丸临卧煎橘皮汤下姜汤亦可日进一服忌生冷

丁香烂饭丸 治中脘胃痛消食快气

丁香 京三棱【炮】 木香 广茂【各一钱炮】 缩砂仁益智仁 丁皮
甘松【去土各三钱】 甘草【三钱炙】
香附子【五钱炒去毛】

右为细末蒸饼水浸去皮为丸如梧桐子大每服三五十丸白汤送下细嚼亦可不拘时候

香棱丸 消食快气宽中利膈化痰

京三棱 广茂 青皮 陈皮【各剉醋煮焙干】 萝卜子【炒另研】
缩砂仁 白豆蔻仁 沉香 木香 半夏曲【各一两炒】 神曲【炒】
麦蘖【炒另研各一两】 阿魏【半两另研】 香附子【炒去毛】 乌药
枳壳【麸炒去瓢】 萆澄茄
檳榔 良姜【各半两】

右为细末以神曲麦蘖阿魏末拌匀水和为丸如梧桐子大每服七八十丸姜汤下不拘时候

木香枳壳丸

治中焦气涩胃膈痞闷饮食迟化四肢困倦呕吐恶心常服升降滞气消化宿食去痰进饮食

木香 枳壳【炒去瓢】 檳榔 半夏【汤泡七次】
青皮【去瓢】 陈皮【去白】 白茯苓【去皮各一两】 白术【煨一两半】
京三

棱【煨】 广茂【煨各三两三钱】 黑牵牛【微炒取末三两】
人参神曲【微炒】 大麦蘖【微炒】 枳实【炒各半两】 干姜【炒七钱】
右各为末水糊为丸如梧桐子大每服五十丸食后姜汤送下
木香枳壳丸 宽胃膈进饮食消食快气
木香 檳榔 陈皮【去白】 黄连【去须】 广茂【煨】 当归【去芦】
枳壳【去瓢麸炒】 青皮【各半两】 黄檗 香附子【麸炒去毛各一两】
牵牛【头末二两】

右为细末滴水为丸如梧桐子大每服五七十丸食后姜汤送下若有疮毒急服百丸至二百丸看人虚实加减服但利五七行立消肿毒

胜红丸 治心腹痞满消食快气美进饮食

三棱【醋炙】 广茂【醋炙】 青皮【去瓢炒】 陈皮【去白】
干姜【炮】 良姜 枳实【去瓢炒】 白术【煨】 萝卜子【炒别研各一两】
香附子【炒去毛二两】

右为细末醋糊为丸如梧桐子大每服五七十丸姜汤或木香汤陈皮汤下不拘时候

木香丸 治酒食过伤停饮消积宽胸膈快脾胃丁香 乳香【研】 木香
麝香【研】 安息香【研】 沉香【镑】 藿香【各二钱半】 青橘皮【去瓢】
陈皮【去白】 檳榔【面裹煨】 诃子皮 京三棱【畧煨】 蓬莪蒨【煨】
肉豆蔻【面裹煨一两】 桂【二两半去皮】
猪牙皂角【一两去皮□】 巴豆【七钱去壳不去油别研入】 细墨【半两】

右用陈米四两与皂角墨巴豆同炒令焦黄用重纸裹候冷同前药碾为细末白面糊为丸如黄米穀大每服五七丸至十丸食后姜汤送下如欲推利服十五丸利三二行勿多服

松烟饼子

治积气块消食快气【御药院方有蚩虫一分无牵牛大黄麦蘖】 细墨【五分烧研】
陈皮【五钱去白】 牵牛【取头末五钱别碾】 神曲【炒】 三棱【火煨】
密陀僧【研】 五灵脂【研】 砂【研】 牡砺【火煨】 麦蘖【各五钱】
大黄【一两】 北枣【一十四个烧存】

【性】 斑猫【去翅足一两糯米同炒】 芫花【醋浸一宿炒】
干漆【炒去烟】 白丁香【研】 大戟【去芦】 青礞石【研】
蓬莪术【煨各一钱】 巴豆【一两去皮湿纸包烧黄色为度】

右为细末打面糊为丸如皂角子大捻为饼子临用为粗末记以所伤煎汤送下或面汤亦可小儿三饼大人看禀气虚实加四五饼其积块渐渐近下再进一服又觉近下或积气痲血痞塞大人小儿久痢或休息痢并男子妇人年深不伏水土及暑月变成恶痢米物不消五痞块逆格胃吐食心胃闷闭酒疸食黄劳□上喘呕逆涎沫心闭惊恐口苦恶心小便淋澁大便不通伤寒余毒妇人胎前产后败血结成积块饮食平常遍身疼痛腰强腿硬手足□厥九种心疼十般积热九般水气霍乱吐泻久病瘦弱但有此证并皆治之

劳伤

沉麝香茸丸 治五癆百损诸虚精怯元气不固沉香【二钱】 麝香【一钱】
南木香 乳香【各三钱】 八角茴香【四钱炒】 小茴香【四钱炒】

鹿茸【酥炙】 莲肉【炒各半两】晚蚕沙 肉苁蓉 兔丝子 牛膝
川练子【酒浸各半两】 地龙【去土净半两】 陈皮【半两去白】
仙灵皮【三钱酥炙】

右为细末酒糊入麝香为丸如梧桐子大每朝不见红日面东用温酒送下三十丸忌食
羊血豆粉之物

万安丸

川练子【半斤微炒出汗】 知母【半斤微炒出汗】 甘草【四两微炒】
茴香【四两炒黄色】 莲子心 木香【各一两】 晚蚕沙【一两微炒】

右将甘草茴香二味先捣为末以四两熬膏外将余四两与其余药同为末用膏为丸如
梧桐子大每服七八十丸空心温酒送下

聚宝丹

治五劳七伤诸虚不足温中正气祛风活血逐寒除湿填精益髓强阴壮阳聪耳明目开
心益智暖胃化食消痰宽中杀九虫通七窍补五臟秘精气止梦遗除欬嗽养肌肤治腰
膝疼痛

白茯苓【去皮】 山茱萸【去核】 五味子 干山药 石莲肉 鸡豆肉
金樱子 巴戟【去心】 破故纸【炒】杜仲【去粗皮炒断丝】 牛膝【酒浸】
熟地黄【酒浸焙】 石菖蒲 远志【去心】 枸杞子【酒浸焙】 龙骨 楮实
茴香

【炒】 仙茅 肉苁蓉【酒浸焙干】 沉香【各一两】

右为细末枣肉为丸如梧桐子大每服五十丸以朱砂为衣空心温酒盐汤送下如有气
滞不顺用木香调气散入盐少许汤调送下

金锁正元丹

治男子五劳七伤沉寒痼冷四肢厥逆阴盛身寒脐腹久痛臟腑软弱困倦少力饮食迟
化涩精补气久服强健驻颜

白僵蚕【炒】破故纸【炒】 白龙骨 山茱萸【汤浸去核】桑螵蛸【炒】
黑附子【炮】 肉苁蓉【酒浸】 牛膝【酒浸】兔丝子【酒浸各半两】
韭子【二两炒】

右为细末炼蜜为丸如梧桐子大每服二三十丸空心温酒送下日进二服常服有益妇
人亦可服

神应丸 治男子妇人五劳七伤

大黄【六两去皮净】 黄连【四两净】 血竭【三两】
犀角末【二两】仙人盖【一个醋炙黄色】 九肋鳖甲 牛黄【二钱】 灵矾
【二两】

右为末用好醋一斗入砂锅内文武火熬醋尽焙干再为极细末酒糊为丸如弹子大每
服一丸服药须要除破日面东男子用酒将药化开空心温服妇人用红花好酒一盞半
煎至七分去红花滓将药化开面东空心服之服药后十日内忌生冷酒肉面等物

遗浊

锁精丸 治精滑不禁

川独活 川续断 穀精草 石莲肉【去壳】 生鸡豆【去壳】 莲心
干菱米 川练子【酥炒】 金樱子□龙骨【五色】 白茯苓 木猪苓 小茴香
藕节

右各等分为细末鸡清为丸如梧桐子大每服四五十丸空心盐汤送下干物压之
辰砂妙香散

治梦中遗精每服一匕虚者温酒调热者麦门冬去心浓煎汤调【方缺】

芡实丸 治思虑伤心小便赤涩遗精白浊【方缺】

通治还少丹 治心肾俱虚漏精白浊

山药【炮】 牛膝【去苗酒浸焙】 山茱萸【水洗去核】

白茯苓舶上茴香【炒各一两半】 兔丝子【酒浸焙研】 续断【去芦各一】
【两】

右为末炼蜜丸如梧桐子大每服三十丸盐汤下

分清饮 通心气补漏精治小便余沥并赤白浊益智 川萆薢

石菖蒲【盐炒】 天台乌药

右等分判为散入盐少许煎空心服

瑞竹堂经验方卷一

饮定四库全书

瑞竹堂经验方卷二 元沙圃穆苏编

喘□

秘痰丸 治风痰喘□

人参 木香 天麻 白术【煨】 茯苓

青皮【去瓢】陈皮【去白各一两】 槐角子 半夏【各七钱半】 猪牙皂
角【去皮□酥炙五钱】

右为细末生姜自然汁打糊为丸如梧桐子大每服五七十丸食后临卧温酒送下姜汤
亦可

僵蚕汤 治喘□喉中如锯不能睡卧

好末茶【一两】 白僵蚕【一两】

右为细末放碗内倾沸汤一小盏用盏盖定临卧再添汤點服

痰饮

化痰丸 快脾顺气化痰消食

半夏【洗】 南星【去皮膜】 白矾 皂角【切碎】 生姜

右各一斤用水同煮至南星无白點为度拣去皂角不用将生姜切片同半夏南星晒干
无日色火焙再加 青皮【去瓢】 陈皮【去白】 紫苏子【炒】

萝卜子【炒别研】 杏仁【去皮尖炒另研】 干葛 神曲【炒】

麦蘖【炒】糖毬子 香附子【炒去毛】

右加药共半斤与前药合和一处碾为细末生姜自然汁浸蒸饼打糊为丸如梧桐子大
每服五七十丸临睡食后茶酒送下

神仙坠痰丸 治痰壅膈痞气湊【史府判验】

黑牵牛【一斤取头末四两】

皂角【无虫蛀者去皮□酥炙黄色去子净一两六钱】生白矾【一两二钱】

右为细末清水为丸如梧桐子大每服三五十丸渐加至百丸空心温酒送下看病轻重五日十日一服病轻者半月一月一服久服永无瘫痪之疾

涤痰丸

治男子妇人远年日久积聚痰涎或饮酒食后吐唾日久面黄肌瘦皮肉枯涩眼无神光又治偏正头风如一月服三五服至老无风痲之疾【镇江太平宣差传】

好皂角【不要虫蛀损者一十两水浸一宿去皮□火炙黄色取净末二两五钱】

猪牙皂角【一两依皂角制法】 枳壳【二两五钱一两半火炒一两生用】

黑牵牛【二两末】

右用朴硝五钱井花水泡开不用滓末澄清硝水为丸如梧桐子大每服五十丸临卧用井花水送下量人虚实加减丸数服之

敌痰丸 治痰盛竟胸膈快气【完颜府判传】

黑牵牛【三两】 皂角【二两去皮□火中微烧】 白矾【枯一两】

半夏曲【炒一两】 陈皮【去白一两】

右为细末煮萝卜为丸如梧桐子大每服四五十丸临卧淡姜汤送下

化痰丸 治顽痰不化

石青【一两水飞】 石绿【半两水飞】

右为末面糊为丸如菽豆大每服十丸温汤下有痰即吐去一二碗不损人

生胃丸

治脾胃不足痰多呕逆不思饮食此药以南星粟米黄土为主盖为南星醒脾去痰粟养胃黄土取其以土养土性味温平美进饮食化痰之要剂真良方也

大天南星【四两用真黄土半斤将生姜滓和黄土成剂包裹南星慢火煨香透去土将南星切碎焙干】 丁香 木香 厚朴【去皮姜制炒】 神曲【炒】 麦蘖【炒】 橘红 白豆蔻仁 缩砂仁 青皮【去白各一两】 半夏曲【二两】

人参【半两】 沉香【镑半两】

粟米【一升用生姜二升和皮播碎取自然汁浸粟米蒸焙】 甘草【半两炙】

右为细末法丸如菽豆大每服七十丸不拘时姜汤送下

四妙丸

治脾胃虚弱脾土不能化痰成窠斗停于胸臆饮食既少复迟当以实脾土则痰下气顺

肉豆蔻【一两用盐酒浸破故纸同炒干燥不用故纸】

山药【一两酒浸北五味子同炒干燥不用五味子】

厚朴【二两去粗皮青盐一两同炒青盐不见烟为度不用盐】 大半夏【一两每个切作二块木猪苓亦作片水浸炒燥不用猪苓】

右为细末酒糊为丸如梧桐子大辰砂一分沉香一分作二次上为衣陰干每服五七十丸空心盐酒或米饮或盐汤送下

四制苍术丸 燥脾土固真养胃

苍术【一斤分作四分制一分用破故纸小茴香同炒一分用川楝子同炒一分用川椒同炒一分用青盐同炒】

右同炒毕余药不用止用苍术为末酒糊为丸如梧桐子大每服五十丸空心米饮送下
寃中祛痰丸

治男子妇人饮食过多色欲太过食喜酸醎作成痰饮于胃膈满则呕逆恶心流则臂膊大痛升则头目昏□降则腰脚重痛轻则左瘫右疾重则猛然倒地此药寃中理气祛痰搜风

半夏【四两汤泡七次晒碾为末用生姜自然汁捏作饼子陰干】
荆芥穗【一两】白矾【枯一两】 麻黄【四两去节净】
朱砂【一两研细水飞过一半入药一半为衣】 槐角子【一两麸炒】
陈皮【汤洗去白一两】

右为细末生姜自然汁打糊为丸如梧桐子大每服三十丸空心临卧用皂角子仁炒黄同生姜煎汤送下忌食猪羊血猪肉桑鹅麻菇黄□茄子等物反胃

丁香散 治反胃吐食水不能停
黑锡【一钱半又名黑铅】 水银【一钱半二件合于慢火上焙为细末】
丁香【三钱】 官桂【一钱】 舶上硫黄【五钱】

右为细末用小黄米汤及生姜自然汁三钱调每空心服三钱
千转丹 治反胃吐食等病

牛涎【半斤】 好蜜【半斤】 木鼈子【三十个去皮油为末】
右合放于银器内慢火熬用槐条七枝搅之煨干为度每和白粥两匙日进三服
急救仙方

专治反胃反胃之病十有九死非药不效良因輒强以食先饮以羹汤是速其吐今得其说不强以食绝其羹汤先投来复丹暑药知其非伏暑证遂投养正灵砂之类饥则以饭炒香干啖之不与一點汤水三日后竟不复吐饮食如初再治方用

又方
甘蔗□汁七升生姜□汁一升打和分作三服

又方
枣子一个去核裹全斑猫一个用文武火煨毕去猫用枣空心服之白汤送下
九仙饼 治反胃

人参 南木香【不见火】 南星【姜汁洗七次各二钱】
甘草【钱】半夏【姜汁洗七次五钱】 枳壳【去瓢面炒】
白矾【明净者火枯】 豆豉【煨过各八钱重】 厚朴【姜汁浸炒干五钱重】

右等分制为细末候夜间晴时露过以人参厚朴煎汤糊作饼子小平钱大慢火焙干每服一饼用姜一大块切作两片夹饼子药用纸裹浸湿慢火煨熟连姜及饼子嚼碎以真料平胃散调汤吞下切忌诸般冷物生物仍令病者寃心开懷服药调理方见效

湿气
苍术散 治风湿常服壮筋骨健步
苍术【一斤用粟米泔浸过竹刀刮去皮半斤童子小便浸半斤无灰好酒浸】

右春五日夏三日秋七日冬十日取出苍术于净地上撒一坑以炭火煨红去炭将苍术

及酒小便同倾坑内瓦器盖覆用泥封固经一宿取出苍术为细末每服一钱空心盐汤或酒调下常服除湿壮筋骨明目

黑弩箭丸 治风湿证

两头尖 五灵脂【各一两】 没药【另研】 当归 乳香【研各三钱】

右为细末醋糊为丸如梧桐子大每服一十九丸至五十丸临卧温酒下忌油腻湿面孕妇勿服

导水丸

黄芩【二两去粗皮】 大黄【二两去粗皮酒浸二三时纸裹火煨】

黑牵牛【一斤炒香取头末四两】 滑石【四两研细飞去灰石】

右为细末滴水为丸如梧桐子大每服五七十丸临卧温水送下如加黄连薄荷叶川芎各二钱半即神芎丸也详证加后药 甘遂【一两久雨则加除湿热腰痛泄水湿肿】白芥子【一两除遍身走疰疼痛】

朴硝【退热散肿止痛久旱则加】郁李仁【散滞结通关节行肠胃通滞】

樟柳根【去腰腿沉重各一两】

透骨膏治一切风湿走注疼痛

生熟地黄 马鞭草【各半斤】 吴茱萸 白面【各三两】骨碎补

败姜屑【各四两即干生姜】 鳖甲【三斤炙】 蒲

黄【二两】

右为细末用米醋调似膏子于火上温热涂于痛处用纸裹著候药冷再用热□如此七次于避风处用

接骨丹 逐湿气定痛疼肿疾并皆治之

骨碎补【去毛一斤】 败姜 生地黄【去土洗净各一斤】 蒲黄【半斤】

白面【二斤】

右为细末拌匀用隔年好米醋熬热调药敷于痛处如药冷再用热醋调敷如此七次用绵包之大有神效此一料分作七服七日用之

如神散 治风湿手臂痛左瘫右疾风气等证

真皂角【去皮□八两】 海亦儿【半两即合孩儿香茶者是】 北□【四两】

右先将皂角熬成清汁滤去滓将□及海亦儿入磁器内用桑柴文武火熬至七分去海亦儿熬干为度取枣藏于磁器每服两三个细嚼咽下后饮酒一盏三四个之上不得多吃

木□虎骨丸

治风寒湿客于荣卫合而成痺使肢节疼痛麻痺不仁手臂无力顶背拘急脚膝筋挛不能屈伸宜常服

木□肉 麒麟竭【另研】 没药【另研】 自然铜【煨醋焯七次研】木香 虎胫骨【酒炙黄】 枫香脂【研】 败□板【醋炙黄】骨碎补【去毛】 甜□子 真桂【去粗皮】 当归身【剉焙各一两】 乳香【另研半两】 地龙【去土】 安息香【汤酒煮入药各二两】

右为细末拌匀酒糊为丸如梧桐子大每服三十丸温酒送下煎木□汤下亦可渐加至五十丸食前临卧各进一服忌食冷物湿面诸血等物

圣灵丹

治男子妇人风湿相搏气痺传于手足麻肿疼痛久则偏枯及脚气不能行履大治瘫痪风湿手足复旧

川乌【生去皮脐切片】 草乌【去皮尖切片盐炒香熟去盐各半两】
麻黄【去根节微炒去汗】 生地黄【洗去苗剉碎酒浸一宿焙酥黄色】
自然铜【醋淬七次研各一两】 五灵脂【拣去炒石微炒不得过】
虎胫骨【醋浸炙酥黄色】 广木香【二钱半】 乳香【另研】
没药【炙研各钱半】 干酸

木□【生者八两】 甜□子【炒黄色一两】 沉香【五钱镑】
败□板【卜卦者醋炙黄酥七钱半】

右为细末炼白沙蜜冷定和药成剂每一两分为一十二丸每服二丸隔夜以生姜自然汁入磁盏同浸至天明化开空心温酒调服再饮盏热酒送下日进二服唇吻微麻无妨

甜□子丸 治风湿相搏腰脚疼痛服之大效

甜□子【净二两炒黄色】 干木□【一两半去皮瓢】
葳灵仙【一两】 川乌头【半两炮去皮脐】

右为细末酒煮面糊为丸如梧桐子大每服三十丸温酒下避风处少息汗出为度服药后当日忌食热物及相反药材如半夏□葵贝母白芨之类若病在上食后服病在下食前服

诸痛

四倍丸 治腰膝疼痛进美饮食

杜仲【四两瓦器内炒黄色去丝】 破故纸【四两瓦器内炒黄色】
甘草【四两】 胡桃仁【四两去皮油】

右为细末酒糊为丸如梧桐子大每服五七十丸空心用甘草末调汤送下

没药延胡散 治男子妇人急心气腹痛

延胡索 海带【各五钱】 没药【四钱】 良姜【三钱】

右为细末每服三钱温酒调服不拘时候

复春丹 治腰腿疼痛

杜仲【酥炒断丝】 破故纸【酒浸一宿用脂麻炒黄色】
草薺【酥炙黄】 巴戟【去心各一两】 沉香【五钱】

右为细末醋糊为丸如梧桐子大每服五七十丸空心服每服药时先嚼胡桃一枚同药温酒送下干物压之

苍术丸 治腰腿疼痛明目暖水臟并小肠炎气大有补益

苍术【一斤用泔浸去皮切作片用生葱白一片切碎加盐二两同炒苍术黄色为度去葱不用】 川椒【微炒】 白茯苓【去皮】 小茴香【微炒各四两】

右为细末酒糊为丸如梧桐子大每服五七十丸空心温酒送下

徐神翁神效地仙方 治筋骨疼痛打扑损伤仙术汤送下除寒湿进饮食

川乌【一个去尖】 草乌【五个去尖】 荆芥【去枝半两】
苍术【一两米泔浸一宿炒】 自然铜【一字研】 白芷 地龙
没药【各半两研】 乳香【半钱研】 葛苳种 黄□种 梢□种
木鼈子【各一钱】 半两钱【二文】

右为细末醋糊为丸如梧桐子大每服一十九丸食后温酒送下
铁刷汤

治男子妇人一切陰寒失精色败腰胯疼痛陰汗不止肠风下血有痔即散有漏平瘡兼
治妇人赤白帶下产后血晕气等疾用酸浆水一大碗药末五钱盐少许同煎三五十沸
倾在盆内熏之渐通手洗浴如火热妇人每日熏浴之使精秽血如黑汁下用药人自知

紫梢花【成块带蒂者佳】 肉桂 大丁香 蛇床子 吴茱萸【各一两】
山茱萸【去核】 天仙子 萝卜子 川椒 细辛 狗□
地豆【大者白眉者佳】 芎藭 甘松【各半两】 天雄【二个】 白檀
槐角子 白芷 沉香芸台子 葶苈子 香附子 芫花 巴戟【去心】
肉苁蓉 木香【各二钱】

右为粗末每煎熏洗

脚气

治风湿脚气

好川乌【一两生用】 无名异【二两研】 石亭指【一两生用研】

右为细末用葱白捣烂扭自然汁为丸如梧桐子大每服只一钱重空心生姜淡茶吞下
一日一服

敷药

草乌 白芷 防风 独活 羌活

右等分为细末用生地龙数条研烂酸米醋调敷

飞步丸 治陰阳风湿脚气手臂举动不起无问遠近并皆治之

紫金皮【二斤取头末八两拣时嚼似脑子味透顶者方佳又名滑藤根】

五加皮【二两五钱焙干】 肥川乌【二两五钱去皮生用】

苍术【二两五钱米泔水浸一宿焙干】

木鼈子仁【四两竹刀切片用三年米酸浸三宿其油已去焙干】

右为细末醋糊为丸如两鱼眼睛大每服三十至五十丸空心用盐木□少许细嚼和药
无灰酒送下

忌动风物

复春丸 治腰脚风湿劳损手足麻痺筋骨疼痛不能屈伸活血注颜补虚

萆薢【四两】 破故纸【炒】 杜仲【炒去丝】

胡芦芭【炒】 木通【各二两】 骨碎补【去毛】 虎骨【酥炙】

乳香【研】 檳榔 没药 木香【各一两半】 甜□子【炒三两】

牛膝【去芦酒浸焙干】 巴戟【去心各二两】

胡桃仁【一百个去皮另研极细】 黑附子【一两炮】

右为细末再与胡桃仁同研极细酒糊为丸如梧桐子大每服四五十丸食前温酒送下
骗马丹

治寒湿脚气四肢疼痛补五臟壮筋骨补精髓驻颜黑发鬓健行步大宜常服

胡芦芭【盐炒黄色】 破故纸【盐炒香】
金刚骨【酒浸一宿晒盐炒】 骨碎补【去毛盐炒】 甜□子【盐炒黄色】
胡桃仁【另研细各一两】 乳香【另研】 没药【另研】
自然铜【火煨醋蘸七次各半两】

右除另研外共为细末醋糊为丸如梧桐子大每服三十丸温酒送下病在上食后病在下食前日进三服

五加皮丸 治男子妇人脚气骨节皮肤肿湿疼痛进饮食行有力不忘事

五加皮【四两酒浸春秋三日夏二日冬四日】

远志【去心四两春秋三日夏二日冬四日用酒浸令透易为剥皮】

右曝干为末春秋冬用浸药酒为糊夏别用酒为糊丸如梧桐子大每服四五十丸空心温酒送下疝

香蝎散 治小肠疝气阴囊肿痛

乳香【一钱】 蝎蛸【一钱】 川乌头【去皮生用三钱】

右为细末每服一钱水一盏煎至七分入盐少许空心连滓热服立见效

煮裯药

山茱萸 吴茱萸 蛇床子 牡蛎 川椒 葱白【带须者】

右各等分咬咀每用三钱熬水熏洗又玉蟾裯诗曰三岁婴孩性不调休教二子放疎娇一张衲被幪头了自有神仙路一条

川练茴香散 治小肠疝气疼痛

木香 茴香【盐炒香不用盐】 川练子【切片盐炒同盐用】

右各等分为细末每服三钱热酒一盏空心调服

神效丸 治疝气奔豚婴核【并附秘诀】

芫花【半两醋浸炒】 木香 檳榔 三棱【炒各半两】 茯苓青皮 全蝎 附子【炮】 □砂【研末】 桂【各二钱半】

右将 □砂用水浸磁盏内去滓留汤以瓶顿成膏子米醋打糊为丸如菉豆大每服三十丸空心温酒送下秘诀云疝气因何得邪风在肾经流传并血聚如此渐成形冷气结在脏因兹小腹疼本经无补法疎利药通灵

喝气丸 治小肠气及腰痛

草薢 杜仲【酥炒去丝】

葫芦巴【生脂麻炒拌炒过去脂麻】 破故纸【炒】

小茴香【盐水浸一宿各一两】 胡桃仁【二两汤去皮】

右将胡桃为末同前五味药末为丸如梧桐子大每服三五十丸空心盐酒送下或盐汤亦可

飞黄丹 治小肠疝气疼痛

用带毛雀儿取去肠肚将金丝矾研细装放雀儿肚满缝合用桑柴火缓缓煨烧成炭研为细末空心用无灰酒调下恐恶心入盐汤少许年远者每服二枚近者一枚累有效验

木香练子散 治小肠疝气膀胱偏坠久患药不效者服此其效如神

川练子【三十个为末未碾前先用巴豆二十粒同练子炒黄赤色去巴豆不用】
草薺【半两】 石菖蒲【二两炒】 青木香【一两炒】 荔枝核【二十个炒】
右为细末每服二钱重入麝香少许空心炒茴香盐酒调下
通气散

治小肠疝气腰腹牵引疼痛及感风寒或因劳动腰痛并治妇人吹妳心气脾痛疮疖已溃未溃悉治有功

穿山甲【剉细用蛤粉炒胀去粉二两重】 白牵牛【一两炒】
延胡索【去皮一两】 陈皮【去白净一两炒】 木香【一两半不见火】
舶上硫黄【二两炒】 厚朴【去皮一两】 甘草【一两炙】
黑牵牛【半两炒】

右为细末每服二钱空心温酒调下病在上者食后

木贼散 治小肠疝气

木贼【不计多少去节先将锅子烧热取离火炒】

右碾为细末空心热酒调下

香沙丸

茴香【盐炒香去盐不用】 新蚕沙【晒干】

右等分为细末炼蜜为丸如弹子大空心细嚼温酒送下甚者日进二服

安息香丸 治陰气下坠肿胀卵核偏大坚硬如石痛不能忍者

延胡索【微炒】 海藻【洗】 昆布【洗】 青皮【去白】 茴香【炒】

川练子【去核】 马兰花【炒各一两】

木香【半两不见火】 大戟【酒浸三宿切片焙干二钱半】

右为细末用酒醋各一盞入 砂真阿魏真安息香各二钱半淘去沙石再用酒醋各一盞熬成膏入细研麝香一钱没药二钱半拌匀前药丸如菽豆大每服一十九丸至十五丸空心用绵子灰调酒送下

淋

淋涩诸般沙石者

琥珀【二钱明者研细】

右为细末空心用葱白浓煎汤调服无问诸般淋证一二服立效

绛宫汤

治三焦气滞腹脇主痛因服热药引入下焦膀胱受热小便淋涩脐下胀痛

露蜂房 血余【各三两】 白茅根【五钱】

右为细末入生麝香少许每服二钱食前温酒下淋止不须服甚者不过三五服有效

泄

红豆丸 治臟腑泄瀉名为飧泄

麦蘖【炒】 半夏【汤泡七次】 缩砂仁

神曲【各一两半炒】 砂【醋化】 甘草 青皮【去瓢】 陈皮【去白】

郁金 红豆 藿香 棠毬 蓬术【各一两煨】 良姜 芫荽【各二两】

丁香【半两不见火】

右为细末水煮面糊为丸如梧桐子大每服一百丸米饮或随物空心下病甚者日进三服

以上内容仅为本文档的试下载部分，为可阅读页数的一半内容。如要下载或阅读全文，请访问：<https://d.book118.com/365021234302011222>